

DISSERTATIO MEDICO - PRACTICA
INAUGURALIS

SISTENS CASUM

GUTTÆ SERENÆ:

QUAM

PRÆSIDE DEO TER OPT. MAX:

Auctoritate Magnifici D. Rectoris

JACOBI VALLAN,

M. D. Praxeos & Institut. Med. Professoris Ordinarii,

NEC NON

*Amplissimi Senatus Academici consensu, & Nobilissime
Facultatis MEDICÆ decreto,*

PRO GRADU DOCTORATUS,

Summisque in MEDICINA Honoribus & Privilegiis
ritè & legitime consequendis,

Publico Examini subicit

M. CHRISTIAN SIGISMUND WOLFF, *Lips. Mistr.*

Ad diem 2. DECEMB. loco horisque solitis.



TRAJECTI ad RHENUM

Ex Officina GUILIELMI vande WATER, Academiae
Typographi, c1o 10ccix.

BIGÆ FRATRUM SPECTATISSIMORUM,
VIRIS

*Præ - Nobilissimis, Consultissimis, Prudentissimo, Amplissimis &
Excellentissimis*

DN. D. MICHAELI FRIDERICO
FALCKNERO,

Hæreditario in *Prauschwig & Geseuwig* / Jcto famigeratissimo,
Supremæ Curia Provincialis & Consistorii Regio - Electoralis Ad-
vocato Ordinario Meritissimo, nec non Reipublicæ Li-
psienfis Prætori Gravissimo,

DN. D. ABRAHAMO FRIDERICO
FALCKNERO,

Hæreditario in *Prauschwig & Geseuwig* / Jcto Celeberrimo,
Comiti Palatino Cæsareo Splendidissimo, nec non Supremæ Curia
Provincialis Advocato Ordinario optime
merito,

Dominis Mæcenatibus atque Patronis

omni pietatis affectu & summae observantia cultu prosequendis,

Omnigenam animi corporisque felicitatem, prosperrimum
negotiorum successum perennantemque Familiarum
florem optat,

insimulque

Dissertationem hanc Inauguralem
non minus

pro favoris hætenus exhibiti documentis quam-
plurimis gratam mentem ostensurus,
quam

ulteriori Ipsorum Patrocinio se commendaturus
mente submissa consecrat

M. CHRISTIAN. SIGISMUND. WOLFF, *Lips.*



B. C. D.

P R O O E M I U M.

Rationem & Experientiam fulcra esse Medicinæ fir-
missimâ, hisque superstructam Theoriam & Praxin
tam arcto inter se connecti vinculo, ut quisquis
alterutram tollat, totum ædificium evertat, cor-
datiores Medici uno ore pronunciant. At vero
utra harum principem locum sibi vindicare alte-
ramque præire, regere & gubernare possit siue de-
beat, id quidem non parum contrôvertitur. Quicquid autem aliis
hic videatur, ausim propemodum prærogativam istam Experientiæ
tribuere, hancque si non dignitate, ordinetamen, ratione priorem
& potiore asserere. Demus, Experientiâ sine ratione corpus
esse sine anima, ratio absque experientia erit anima sine corpore,
quæ lemuribus potius & inanibus phantasmatibus, quam rebus
revera existentibus accensenda venit. Certe enim quisquis liberæ
mentis fictioni nimium indulgêt, neque de rebus revera existentibus,
atque uti revera existunt, cogitare & ratiocinari assuescit, plerum-
que pro Junone nubem, pro veritate fuitiles chimæras amplectitur.
Adeoque non consultum modo, sed absolute necessarium est, ubi-
que prius indagare, quid fiat, antequam disquiramus, cur aut quo-
modo fiat. Satiùs est, attente semper observare, quid fieri soleat,
quam anxie speculari, quid forte fieri possit. Multa enim Theoria
factu judicat facillima, quæ praxis, atque experientia successu carere
ostendunt. Plurima ex adverso experientia videnda imo palpanda
offert, quæ nemo nisi *autoptæ* convictus credidisset. Ita v. g. in
vulnere etiam levissimo nullus coalitus satis fidus, partisque vulne-
ratæ restitutio perfecta expectari posse videtur, nisi extremitates fi-
brarum & vasorum dissectorum, accurate iterum jungantur, ita ut

singulæ fibræ alteri sibi abscissæ parti, arteriæ arteriis, venæ venis, & nervi nervis exquisiterursus jungantur. Nihilominus absque tali anxio delectu natura etiam sibi soli relicta aut levi opera chirurgica adjuta ingentes plagas & hiatus satis enormes refarcit; quid, quod admiratione dignius, magnas portiones ossium carie absumptorum tam affabre restituit, ut vix aliquis defectus deprehendi queat, cujus rei notatu dignissima specimina occurrunt apud *HENR. ROONHUTSEN* in *observ. Chirurg. p. II. obs. 9. p. 225.* Et in *Act. Hassn. vol. III. obs. I.* Oculorum humores excussos renasci posse, plures quidem, quod humorem vitreum attinet, concedunt & observationibus confirmant e. g. *HILDANUS cent. I. obs. 26.* *RHODIUS cent. I. obs. 82.* *CAMERARIUS Syllog. Memorab. cent. II. part. 33.* Idem vero in reliquis, vitreo nimirum & crystallino contingere posse, plerisque censebitur impossibile. Contrarium tamen in anser & gallina se vidisse testatur *SCRIVERIUS* in *Act. Hassn. vol. I. obs. 133. p. 264.* imo in corporibus humanis probabile reddit observatio *BORRICHII* iisdem *Act. Hassn. vol. I. p. 151.* inserta. Visum per vomitorii violentioris abusum labefactari quin aboleri posse, nemo forte in dubium vocabit; at vero per idem remedium restitui posse, pauci crediderint. Utrumque tamen in eodem subjecto contigisse narrat *HILDANUS cent. V. obs. 19.* Visum sine ulla fere causa extrinseca perire, & sponte sua post breve temporis intervalum redire, hancque scenam pluribus vicibus ludere, tandem vero in stabilem alterutrius occæcationem desinere, imo dimidiam saltem partem oculi visum ad tempus amittere, non solum inauditum quiddam, sed etiam propemodum incredibile plerisque visum iri, haud vano augurio colligo. Possum tamen hujus rei non fidam, sed plus, quam optimi parentes optarent, veram historiam in medium afferre. Quam etiam, dum mihi specimen inaugurale publicè pro more sueto exhibendum incumbit, non indignam ulteriori scrutinio & publico examine existimavi. Huic coepto vero, ut partim Divina benedictio, partim B. L. æqua censura faveat, est quod enixe precor.

HISTORIA MORBI.

Virgo 15 annorum, admodum exilis pro hac ætate staturæ, vitæ generis sic satis mobili addicta, diætæ tamen valde inconditæ assueta,

sueta; hætenus tamen sic satis sana, neque ullos vel capitis vel oculorum dolores experta, nisi quod insignis hæmorrhagiæ narium ternis vicibus infestantis meminerit, coepit jam inde annuo spacio loco floridi faciei coloris ingratum pallorem contrahere, subinde quoque doloribus spasticis artuum, nausea ciborum, flatulentia abdominis, pedum debilitate ac veluti frigoris cujusdam sensu tentari. Fluxus autem menstruus jure jamjam expectandus nondum hætenus comparuit. Proximis feriis natalitiis vesperi, dum candela hypocausto infertur, sentit ex improvise plenarium visus in oculo sinistro defectum, vix tamen ultra horæ quadrantem persistentem. Redit vero interjecto forte menstruo spacio similis visus impotentia in oculo eodem, mane dum e lecto surgit; sed simili modo post horæ quadrantem rursus evanuit. Recurrit idem malum festo pentecostes præsentis anni, mane inter surgendum, duratque ad meridiem usque ad undecimam circiter horam, ubi plenarie iterum remittit, ut ægra nullam visus obscuritatem vel labem oculi retineat. Binis abhinc septimanis, cum proximis diebus nuptiis interfuisset, denuo recidivam mali experitur, quod tamen majori pertinacia miseram ægram obsedit, ita ut ad decimam usque septimanam jam perseveret. Ante quatuor circiter hebdomadas idem affectus dextrum quoque infestare coepit oculum, sed ita, ut superiorem solummodo ejus partem occuparet, ægraque personas obversantes a pedibus usque ad dimidiam partem corporis erecti cerneret: remittit tamen satis mature, ita ut unico hoc oculo pari facilitate & felicitate res obvias cognoscere & dignoscere ægra valeat, quam ante ambobus oculis illibatis. Oculus etiam affectus nullas alicujus læsionis notas externo aspectui exhibet, sanoque apparet simillimus, nisi quod accuratius inspectus languidi & subtumidi quid offerat, id quod alias in oculis dormituriæntium vel proxime e somno evigilantium animadvertimus. Oppugnatus hætenus fuit morbus hicce variis modis mediisque V. S. ne in brachio & aliquot septimanarum spacio interposito, in pede instituta, vesicatorio cervici applicito, quod etiam satis largam feri copiam eduxit, medicamentis porro laxantibus, sanguinem purificantibus, & libus; sine ullo tamen levamine, nisi quod vultus decolor nonnihil nativi coloris recuperasse videatur. Anxii proinde parentes aliorum Medicorum consilium & auxilium implorant.

RESOLUTIO CASUS PROPOSITI.

I. **A**ffectus, quem præsens casus examinandum sistit, in Scholis Medicis vocatus *Gutta Serena*, Græcis audit *ἀμαύωσις*, Germanis derSchwartze Stahr. Guttam serenam dixere, quoniam guttae scilicet suffusionis speciem esse atque à peregrino humore oculo illabente pendere existimarunt veteres, id quod etiam Germanorum denominatio innuit, qui hunc affectum diserte den Stahr nuncupant: quamvis à vera suffusione cataracta toto exlo differat, cum nullum in humoribus scilicet tunicis oculorum vitium visui externo pateat. Hinc etiam Latini determinationem *Guttae serene*, Germani des Schwartzen Stahres adjecere: quia nimirum oculus plane serenus & illibatus, pupillaque, prout secundum naturam decet, nigricans apparet, quæ in vera cataracta mutata ac peregrino colore obducta cernitur. Rectius proinde Græci hunc affectum generaliore nomine *ἀμαύωσις*, hoc est obscurationem scilicet obfuscationem visus appellarunt.

II. Est autem Gutta serena impotentia scilicet defectus visus plenarius sine ulla læsionis alicujus nota in tunicis scilicet humoribus oculorum externo aspectu observanda à nervorum opticorum compressione, contorsione, marcescentia, scilicet resolutione prægnatus.

III. Hinc etiam in præsentī casu oculus affectus sano fere per omnia similis apparet, adeo ut hi, quibus oculi læsi sanique distinctio non ex propria confessione ægræ innotuerit, in hac dignotione per conjecturas definienda sæpe errarent. Nihilō tamen secius illo ipso oculo sinistro ægra neque lumen solare, neque ignem foci, neque candelæ accensæ splendorem vel tantillum percipere aut inter noscere valet.

IV. In eo autem affectus hic circumstantias plane singulares neque facile alibi obvias exhibet, 1) quod nullis præviis, scilicet capitis scilicet oculorum doloribus aut aliis pathematibus furtim quasi & plane tacite unicum saltem ab initio oculum inuaserit; 2) sponte iterum remiserit, hancque scenam pluribus vicibus luserit; 3) cum denique alterum quoque oculum infestaret, partem solummodo superiorem obsederit hincque visum dimidiatum induxerit. Quæ si non plane inaudita, certe inter rariora phænomena utique referenda sunt.

V. Causa proxima hujus mali communiter statuitur esse nervorum

ophticorum obstructio vel compressio. Quæ tamen sententia multis premitur difficultatibus; quoniam scilicet *ἀποψία* anatomica nullam hactenus in nervis cavitatem detegere potuit. Compressionem, ad minimum in præsentī casu, non subesse, illud dissuadere videtur phænomenon, nempe quod visus obnubilatio dextrum quoque oculum infestans dimidiam saltem oculi partem occupaverit, quod a compressionē nervi optici quomodo proficisci potuerit, non sit verosimile.

VI. Non inepte vero Cl. WALDSCHMIDIIUS affectam hunc ad apoplexiam proxime accedere existimat, imo in *Annot. Pract. ad Casus Timæi a Guldenkl.* p. 469. disertè apoplexiam particularem nuncupat. Quamquidem pariter a nervorum per humores viscidos obstructione communiter deduci, hincque medicamentis calidis, spirituosīs & æis unice impugnari, me non latet. Quam recte vero hoc fiat, ex tristi experientia dudum annotarunt Practici solertiores.

VII. Cum igitur membra sensu motuque privata h. e. apoplexia f. paralyti tacta semper observentur flaccidiora naturalisque eorum tonus remissior; in præsentī etiam casu oculus læsus accurate consideratus tale quid exhibeat, quod etiam in somnolentia s. naturali ad motus sensusque temporariam cessationem propensione animadvertimus: quid impedit, quo minus *fibrarum nervearum resolutionem* hic subesse asseramus.

VIII. Quo præsupposito facile dein utriusque singularis istius phænomeni ratio reddi poterit, scil. quod visus obscuratio in oculo sinistro pluribus vicibus & redierit, & sponte remiserit; in dextro vero oculo dimidiam saltem partem occupaverit. Constat enim nervos esse fasciculos plurimarum fibrillarum, communi involucro a meningibus cerebri dependente, colligatarum. Quidni igitur certa tantum pars harum fibrillarum nervearum subita ejusmodi resolutione affici, indeque visus in ea tunicæ retinæ portione, cui constituendæ impenduntur, aboleri potuit, altera parte illæsa, imo mox ad statum naturalem redeunte etiam hac portione. Siquidem non raro tale quid in artubus quoque externis observatur, ubi sensus & motus interdum plane ex improvīso, ut plurimum vero a compressionē, l. situ incommodiore perit, membraque hinc plane torpescunt & flaccescunt, quod vulgo das einschlaffen der Glieder vocant: mox tamen l. sponte l. per motum membrorum sanorum adjuta pristinum vigorem recuperant.

IX. Causæ antecedentes possunt esse variæ; frequentissime tamen sunt plethora atque cacochymia, & quæ communissimæ utramque foveant & augent, evacuationes naturales suppressæ vel assuetæ omis-
sæ v. g. catameniorum defectus. vid. *Miscell. Nat. Cur. Dec. I. Ann. 3. obs. 259. p. 397.* *Armament. Chirurg. Scult. observation. 34. p. 253.* Fō-
ticulorum diu gestatorum occlusio vel ulcerum chronicorum con-
solidatio. conf. *FOREST. Lib. XI. obs. 35. TIMÆUS a GULDENKL. L. 1. Cas. 28. p. 60. & in Respons. Medicin. p. 103.*

X. Causæ procacatæricæ vero s. occasionales, quæ causas has la-
tentes in actum deducunt, sunt omnes repentinæ & violentiores M.
S. commotiones, quæ vel generalem universæ massæ humorum
orgasum inferunt, vel particularem humorum ad caput regurgita-
tionem atque ad intimiora cerebri penetrationem, imo veluti inun-
dationem quandam inducunt. Quo nomine jam dudum ob infau-
stum effectum atro carbone notari cœperunt 1) sternutatoriorum
abusus, testibus *HILDANO Cent. 1. obs. 24. & JOH. CHR. LAN-
GIO de sternutatoriorum Usu & Abusu §. 52.* 2) Emetica drastica, re-
ferente eodem *HILDANO Cent. V. obs. 19.* 3) sudoriferi intempe-
stivus atque incongruus usus, teste *Celeberr. STAHLIO Diss. de Aff.
Oculor. in gen. cap. 5. p. 40.* 4) & limum Medicamentorum improvidam
applicationem; quippe quæ faucibus saltem in forma gargarismatum
adhibita cœcitatem induxisse narrat *BORRICH. in Alt. Hæffn. Vol. 1.
obs. 76. p. 147.* 5) Partus difficilis, prout non solum ex *TUL-
PII*, sed propria quoque observatione refert *J. CHR. LANGIUS
Prax. General. Cap. 15. §. 9. p. 108.* 6) Casus ab alto, quale exem-
plum exhibet *TIMÆUS L. 1. Epist. 27. p. 512.* 7) Crapula & mo-
ra in conclavi justo vehementius concalescēto; unde insignem visus
labefactionem citra ullum tamen oculorum vitium obortam anno-
tavit idem *TIMÆUS L. 1. Cas. 24.* 8) Sanguinis tempore paro-
xyismi febrilis organica commotio, cujus notabilem historiam affert
idem *TIMÆUS L. 1. Cas. 27. p. 60.*

XI. In præsentī nostro casu inter causas proegumenas s. antece-
dentes primas omnino partes tenet fluxus menstrui jure hac ætate
expectandi emanatio indeque sensim subnata cacochymia. Quamvis
enim dentur exempla foeminarum fluxum hunc per totum vitæ suæ
tempus non expectarum; rarissime tamen hoc contingit sine gravi-
bus œconomix totius corporis perturbationibus, aut absque vicari-
is sanguinis, per evacuationes artificiales, depletionibus,

XII. Proximo ab hinc loco collocanda est prægressa largior sanguinis per hæmorrhagias narium, exoneratio. Quam facile enim largiores ejusmodi sanguinis per certa loca eruptiones, præsertim pluribus vicibus recurrentes, in quandam veluti assuetudinem degenerent, ut sanguis deinde undecunque commotus, ad illud ipsum præcise emuntorium vel partes ad minimum vicinas regurgitet, & denuo exitum ibidem affectet, quotidiana paulo circumspicior docet experientia. Cujus rei si quis specimina aliqua altiore utique pensitatione non indigna legere cupit, adeat Celeb. *STAH-LII* Diss. de morb. Habituali. c. 4. tit. de Motu sang. a crassi & vis non pendens vitis. §. 6.

XIII. De causis procatasticis & occasionalibus ipsa quidem morbi historia silet, præsertim quod primum insultum attinet. Quod si tamen hic suspicioni locus, videtur motus menstruæ purgationis exitum jam molientis inculandus esse. Confirmant hanc conjecturam non modo ejusdem insultus post menstruum spatium recursus, sed antegressi quoque dolores spastici, artuum gravitas & frigoris alicujus sensus impeditus, nausea ciborum & flatulenta abdominis pathemata, quæ potius pro moliminibus fluxus menstrui eluctantis, quam directis cacochymix effectibus habenda videntur. Accedere forte insuper potuit calor nimius aeris ambientis in hypocausto præter modum concalesceto. Notum enim est, quod tempore hyberno post occasum solis, quo tempore primus insultus emicuisse narratur, focus redintegrari & denuo instrui soleat: qua in re quam raro modus fervetur, pariter notum est. Ad minimum de ultimo eoque reliquis pertinacior insultu res fere extra omnem dubium posita videtur, quod prægressa in nuptiis, quibus ægra nostra interfuisse perhibetur, corporis animique commotio eundem denuo suscitaverit, imo insigniter exasperaverit. Intermedii paroxysmi, qui tempore matutino, dum ægra surgeret, recurrisse narrantur, verosimiliter a calore lecti concitati fuere. Certum enim est, per somnum lectique calorem eximie M. Seam exturgescere, id quod vultus rubicundior, imo habitus corporis ad sensum turgidior & vestimentorum nobis vigilantibus satis commodorum laxationem exposcens, nec non sudoris sub somno facilis & familiaris eruptio evincit.

XIV. Prognosis si exquiras, Præctici ad unum fere omnes affectum hunc curatu difficillimum pronunciant. Aliquam tamen in no-

stro casu (sem facit 1) ætas junior, 2) Affectus spontanea prioribus paroxysmis remissio, 3) Mensium adhuc expectandorum fluxus instans. Quam graves enim systematis nervosi ataxiæ peremptionem mensium huc usque testantium curati & soluti fuerint, non sine admiratione passim in observationibus Medicis legimus. Metum tamen augent, 1) satis diutina affectus duratio ad bimestre imo trimestre fere spatium persistentis, 2) novi insultus in oculo etiam sano præludia. Quamquam quod præservationem oculi hætenus sanati tinet, illa omnino sub usu congruorum remediorum, imprimis vero fluxu menstruo in ordinem redacto certius promitti poterit, quam alterius læsi restitutio.

XV. In tractatione therapeutica hujus affectus dux observandæ erunt intentiones generales.

1. Ut causæ antecedentes removeantur, hoc est cacochymia corrigatur, mensium obstructio expediatur, modus humorum ad caput oculosque regurgitantium revellatur.
2. Ut ipsi parti affectæ, oculo nimirum ejusque fibris nerveis per specifica roborantia prospiciatur.

XVI. Prioris indicationis executio merito initium capit a digestivis & primas vias leniter expurgantibus. Quam solliciti in hoc negotio fuerint Veteres, eorum scripta abunde testantur; adeo ut forte superflua videri possit illorum sollicitudo. Interim tamen monita eorum de Universalibus, hoc est blandis laxantibus & pro renata sanguinis ventilationibus in subjectis plethoricis & cacochymicis præmittendis, antequam ad usum calidiorum & acriorum resolventium massamque humorum validius exagitantium progressus fiat plane fusque deque habere, sæpe non vacat periculo, & audaces tales monitorum salutarium contemptores non raro amara cœpti temerarii poenitentia mulctat. Notabile hujus rei exemplum offert Celeb. *STAHLIUS* in *Diff. de morbis oculorum in genere* c. 5. p. 30. quod, licet supra jamjam aliqua ejus mentio tacta fuerit, cum tamen præsens negotium non parum illustret, integrum huc transferre licebit: Medicus Practicus, inquit, l. c. patienti de cephalalgico-ophthalmicis passionibus conquerenti, remedium diaphoreticum, cum præscripto ad ejus usum regimine, offert. Pateriens, de reliquo etiam cacochymo, præscripto Medici obtemperans, assumit hoc & ad sudorem sese componit, eumque largum exsequitur: sed cum tali eventu, ut hinc in perfectam cæcitatem sive Gut-

tam serenam sub hoc ipso sudore incideret: reminiscente etiam de hinc Medico(viro de reliquo & docto & perito, sed forte, quod in his antiquorum, ut hodie audiunt, Næniis, tantum momenti esse possit, non persuaso) quod rationem hujus eventus in omiſſa præmiſſione univerſaliorum alterantium & evacuantium ponendum eſſe, ipſemet arbitretur.

XVII. Inter Digestiva reliquis præferri merentur, partim ꝑꝛea videlicet cremor & cryſtali ꝑꝛi, ꝑꝛus ꝑꝛatus, ꝑꝛus ſolubilis, ꝑꝛo-
liata ꝑꝛi tam in forma ſolida, quam liquida: partim ex alcali & aci-
do vitriolico prognata ꝑꝛia media ſive enixa, nomine quidem & me-
thodo præparandi nonnihil discrepantia, re ipſa tamen prorſus con-
venientia, ſcilicet ꝑꝛus ꝑꝛolatus tam officinalis iſte ex ꝑꝛi per de-
liquium & ꝑꝛu ꝑꝛi conſlatus quam Tachenianus ex ſolutione ꝑꝛi per
alcali qualecunque ꝑꝛata & ſaturata minori ſumtu parabilis, Arca-
num duplicatum, ꝑꝛ polychreſtum Glaſeri, ꝑꝛ ꝑꝛatum, non haſtatum
illud, nihilque ab ꝑꝛio alteratum & inflammabile adhuc, ſed octo-
trum, amaricans & frigida ꝑꝛ difficulter ſolubile. Non paucis quo-
que hinc in uſu eſt ꝑꝛ ꝑꝛcum vel ſolutionibus iteratis, vel ſublimatio-
ne depuratum, neque etiam plane deſes aut iners ſeſe gerit, ſed
paulo ingratus deprehenditur. Parum ab hoc abludit ſal ꝑꝛi ꝑꝛi
ꝑꝛi ita dictum, Digestivum Sylvi, præcipue ſi ex æqualibus ꝑꝛis
ꝑꝛi & alcali alicujus portionibus paretur. Notabilis enim portio ꝑꝛ
ꝑꝛi parum alterata remanet. Quod ſi vero tres partes alcalici ꝑꝛis
ad unam ꝑꝛ ꝑꝛi partem ſumantur, ꝑꝛ inde reſultans propius ad ꝑꝛis
communis ſive cuiſinaris indolem accedit. Neque etiam plane reji-
cienda ſunt ꝑꝛia lixiva plantarum v.g. ꝑꝛ abſinth. Cardui Benedicti,
ononidis, imo ipſum ꝑꝛ ꝑꝛi, & inde deliqueſcendo paratum ꝑꝛ. Hæc
ſaltem circa eorum uſum cautela obſervanda, ne vel ſolitaria vel in
majori doſi jejuno aut valde debilitato ſtomacho offerantur: quippe
cui alias notabiles moleſtias & cardialgicas anxietates inducere ſo-
lent. Veteres pro hoc ſcopo ſirupos ꝑꝛis ꝑꝛis, vel etiam decoctis
quibusdam dilutos uſurpaſſe, relicta eorum monumenta teſtantur.
Quæ methodus licet eatenus non plane reprobari poſſit, quatenus ſi-
mul diluendis humoribus viſcidis inſervit; Attamen cum ꝑꝛia mo-
do laudata & præſentiori efficacia, & doſeos ſuccinctæ gratia ſeſe ma-
gis commendent; dilutio etiam alia via obtineri queat: nemo facile
erit, cui inventis frugibus adhuc glandibus veſci volupe fuerit.

DISPUTATIO MEDICO-PRACTICA

XVIII. His modo allegatis Digestivis subjungenda, imo socianda & interponenda sunt Evacuantia. De Emeticis tamen, quæ alias in subjectis diætæ negligentiori assuetis, imprimis vero etiam in catamenii ciendis vel revocandis plurimi magnificiunt, hic monendum, tutius fore in præsentî casu iis abstinuisse. Verendum enim ne per commotionem hanc anotericam nova oculis creetur noxa. Quonomine lectu & notatu dignissima est cautela practica a Practico peritissimo, scilicet sapius jam laudato TIMÆO a GULDENKLE subministrata, in Epistolis medicinalibus l. 1. ep. 20. p. 498. Vomitiva scribit l. c. omnia oculis sunt nocentissima, adeo ut quidam ex usu eorundem videndi imbecillitatem, quidam omnimodam cœcitatem contraxerint, ut inter alios celeberrimus Magni Ducis Hetruriæ Medicus Vitus Vidius annotavit, & in se ipso expertus est.

XIX. Consultius proinde fuerit solis hic uti laxantibus ab initio quidem mitioribus, successive vero etiam paulo fortioribus, ut simul motus humorum a capite revellatur atque ad partes inferiores invitetur & derivetur. Talia ex Rhabarbaro, Senna, Agarico, Rad. Jalapæ Helleb. nigri, Aloe, similibusque peti atque interdum levi stimulo colocynthiaco vel scammoniato exacui, aut commode quoque cum alterantibus, aperientibus, emmenagogis & ophthalmicis, imprimis vero ꝑio dulci jungi poterunt. Prostant pro hoc scopo varia jam composita, ex mitioribus quidem Pulv. Diaphenæ Montagnacæ Pulv. Solutiv. de Tribus, Pilul. de Aloe & Rhabarb. alias Angelicæ S. Francosurtenses dictæ, Pilul. Aloe phanginæ Marocossinæ Mindereri, Tartareæ Bontii, de Ammoniaco Quercetan. de Succino Cratonis; ex paulo fortioribus vero Pulv. Cornachin f. Comit. de Warwick, species dia Jalappe Mynsichti Pil. Hydriopæ Bontii, Extract. Cathol. Andernac. Panchymagogum Crollii, Cephal. Rudii. Imprimis autem celebres in ejusmodi casu Pilul. lucis major: & minores, atque ex recentioribus inventis Vinum Ophthalmicum Plempii, cuius mentio & commendatio iteratis vicibus occurrit apud TIMÆUM a GULDENKLE l. 1. Casu 25. & in Epist. Medicinalibus p. 511. Descriptio vero est hæc, quæ sequitur.

Rx. Summist. Ephras. Mj.

Fol. Beton.

Majoran.

Caryophyllat. a Mjβ.

M. lavend.

Anth. aa pī.

Fol. senne f. f. ʒij.

Aguric. Trochisc.

Hermodact. a ʒiij.

Sem. Fœnic.

Gran. Junip.

Cinnamom. a ʒij.

Caryophyll. ʒj.

Sacch. albiss. ʒij.

M. F. Nodul. pro Mens. j. Vini

Neque improbat eandem, sed potius suffragio suo commendat Clar. WALDSCHMIDIUS in Annotationibus ad hunc Casum Timæi. p. 471, hoc saltem adjecto monito, saccharo commodius substitui Pasculas minores ad ʒiβ, & insuper, aliquid \ominus inum v. g. Cremor, aut \ominus ī ad ʒj. pro extractione facilitanda addi, quod omnino assensum meretur.

XX. Correctio cacochymia conjuncta præter modo dicta digestiva & laxantia porro exsequenda est per incidentia, resolventia, aperitiva & moderate diuretica. Huc pertinent Rad. Ari, Rub. Tinctorum, Vincetoxici, Taraxici, Cichorii, Eringæ, Graminis; Fœniculi, Bardanæ, Chelidonii majoris, Curcumæ, Herb. Absinthii, Cardui Benedicti, Fumariæ, Chamædrios, Cuscutæ, Epithymi, Marubii, Summit. Centaurii minoris, Gummi Ammoniacum, Galbanum, Sagapenum. Ex Officina Chemica huc faciunt ʒus dulcis, Tra \ominus is ʒi, Tra ʒij ʒ risata, Liq. C. C. succin \ominus Ale succini, sapo philosoph. f. \ominus ʒi, \circ terebinthinæ per diutinam digestionem imprægnatum & saturatum. Tandem & aromatica temperatiora huic intentioni favent, v. g. Fl. Anthos, Salviæ, Comæroris marini, Marum verum, Sem. Anisi, Fœniculi, Dauci, Ammeos, Cassia Lignea: Cort. Winteranus, Cinnamomum, Maceres, Lig. sassafras & reliqua antiveneæ, v. g. Lig. Sanctum, Rad. Chinæ, sassa-parillæ, Rad. Pimpinellæ, saxifragiæ alb. imo & antiscorbutica e. g. Herb. Cochleariæ, Nasturtii, Rad. Armorac. &c.

XXI Revulsionem humorum peccantium ab oculis totoque ca-

pite efficiunt Pediluvia & Venæ Sectio in pedibus adornata, aliqualem insuper evacuationem præstant Vesicatoria, Fonticuli & setaceum, ad quod Præctici tantum non omnes veluti ad anchoram sacram in similibus casibus confugiunt, sæpe etiam non sine optato successu. Confer SCULTETUM in *Armamentario Chirurgico* obs. 34. pag. 253. & *Apend. à LAMZWEERD.* subjunct. obs. 58. pag. 265.

XXII. Medicamenta, quæ fluxu menstruo expediendo destituti solent, quadruplicis sunt generis, quatenus nimirum, 1) sanguinem fluxilem reddunt, lymphæque lentorem attenuant, 2) tonum fibrarum, præcipue autem viscerum venæ portæ conterminorum roborant, & hoc modo sanguinis propressionem & expressionem per uterum promovent, 3) specialem sanguini orgasmum inferunt ejusque motum tam intestinum quam progressivum intendunt, 4) vel denique ipsas vias & fibras uterinas afficiunt, easque vel blande exstimulant vel suaviter relaxant.

XXIII. Prioris generis sunt aperientia superius §. 20. commemorata tantum non omnia. Virtute tamen veluti specifica hic polere creduntur Borrax Veneta, Herb. Melissæ, Calamenthæ, Pullegii, Fl. Cheiri, Calendulæ, Succus radicis Betæ rubræ, tanquam euporiston plebi usitatum; imprimis autem Crocata, Myrrhata, Succinata.

XXIV. Ad alteram classem procul dubio referendi erunt Flor. acaciæ recent. vel Flor. bellidis hortens. purpur. vid. PRÆVOTIUS de *Mat. Med.* p. 416. et si quæ modo verior efficacia ipsis inest, Splen Bovis castrati, a PARACELSO & CROLLIO commendatus, vel Hepar bubulum quod HARTMANNUM encomiastem habuit, quibus vero omnibus palmam præripiunt Martialia tam liquida quam solida. Ex his nota sunt primo limatura Martis cruda, sed quantum fieri potest tenera & nullis ramentis quæreis inquinata, porro Gum Martis, & quæ parum ab hoc abludunt, crocus Martis saccharinus & anima hepatis Anglorum, denique croci Martis varii v. g. cum ☿ aut juxta D. MICHAELIS methodum cum ☿bus lixivis herbarum aperientium, imo adductum STISSERI sola multiplici humectatione cum ☿ nivis mense Martio collecta, præparati, vid. STISSERI *Act. Laborator. Chym. specim.* III. c. 1. Inter ista reliquis antecellunt, quæ Acidorum mitiorum beneficio parata, aut etiam cum Vinis aperientibus sociata sunt, v. g. Ess. Martis cum succo

co pomorum. Est. Martis Helleborata Wedelii, Tra Oli \mathcal{O} is \mathcal{O} lata Ludovici, Ra \mathcal{O} is aperitiva Zwœlfferi, &c. Licet autem \mathcal{O} alia modo allegata a dimidio circiter seculo valde celebrari ceperint, atque non solum in Mensium vitiis, sed & in variis aliis affectuum generibus curandis insignem famam consecuta fuerint; neque etiam encomiis, quibus passim ornantur, plane indigna ceneri possint: non tamen ita universalis, ut multis videtur, & plane illimitatus eorum usus est, sed his præcipue cancellis circumscribendus, 1) ne subjectis valde plethoricis offerantur, sine præmissa sanguinis ventilatione debita: facile enim tunc anxietates majores causari solent, 2) ne exhibeantur antequam humorum lentor & visciditas per congruum medicamentorum aperientium usum quodammodo correcta videatur: siquidem elaterem moveatis intendere, quamdiu materia movenda motui non obsequitur, coeptum est revera $\alpha\lambda\omicron\gamma\omicron\nu$ 3) ne nimis dosibus simultaneis ingerantur, 4) ne temere usurpentur, ubi notabilis æstus præternaturalis jamjam eminent, aut obstipationis viscerum confirmatæ justa suspicio adest.

XXV. Sed ut ediverticulo inviam redeamus, Emmenagogis tertii generis accensemus fabinam indeque præparata varia, Bacc. Laurii, Rd. Aristolochiæ: Bryon. \mathcal{O} ex acinis, fructuum cunosbati expressum, cujus effectus singulari experimento mihi innotuit; Fuligotam cruda quain Essent. & \mathcal{O} ejusdem, Fermentum Pistorium, de quæ vide PRÆVO III *Medicina pauperum* p. 583. ipsum denique vinum, quod satis commode in extrahendis aut assumendis hætenus enumeratis simplicibus menstrui, aut vesiculi vices sustinet. Huc etiam pertinere videtur observatio illa Practica, quod purgantia emmenagogis sociata horum efficaciam notabilissime intendunt & faciliunt: adeo ut etiam ipsa purgantia nonnulli pro ciendis mensibus svadeant. Ita Prævotius inter Euporista sua p. 162. pro diuturna mensium obstructione referenda instar arcani commendat pomum radiculis Hellebori nigri confixum, coctum & circa fluxus menstrui expectandi periodum comestum.

XXVI. Prostant insuper varia quoque composita huic intentioni destinata v. g. Pulv. Dominarum a FORESTO l. xxviii. obl. 6. commendatus & descriptus, Trochisci de Myrrha, Elix. Proprietat. & quæ magna ex parte cum ipso coincidit, Tra \mathcal{O} i compos. Est. ad Menses Michaelis, Pilulæ Emmenagogæ Mynsychti. Speciale vero encomium hætenus meruere Pilulæ Polychrestæ Be-

cheri præsertim a Dn. D. STAHLIO P. P. Hall. correctæ & commendatæ, quippe quæ citra graviore turbas & heteroclitas sanguinis commotiones tranquillissime & latissime officium suum exequuntur.

XXVII. Quidnam a Spiritibus & Ætheribus volatilibus positis in hoc negotio expectandum sit, adversis hæcenus dimicatum fuit sententiis; dum alii eorum virtutes ad coelum efferunt laudibus, alii contra valde parum iisdem hic tribuunt. Vid. STAHLII *Diff. de Mensium viis insolitis* c. 7. p. 38. Nos controversiam hanc non facimus nostram, neque litis istius diremptionem spondemus. Certum tamen est, id quod certi ætus positi, aut sub certa mixtionis formula forte præstant, ad universam Ætherium Alium & ætherium positorum familiam non extendendum, neque directo eorum effectui adscribendum esse.

XXVIII. Ultimum inter remedia fluxum Mensium promoventia locum obtinent ea, quæ immediate ipsas vias & fibras uterinas vel emolliendo & relaxando, vel blande exstimulando afficiunt. Talia sunt Thermae tam naturales quam artificiales; totus & infusus ex herbis uterinis & emollientibus, imprimis autem a TIMÆO suffusus ex colocynthide, ab HARTMANNO vapor ex lixivio scoriarum reguli æli, a GLAUBERO & LUDOVICI usus Ætherium Alium per instrumentum phiole brevioris ad instar efformatum, utero vaporetenus applicitorum. Conf. STAHLII *Diff. de mensium mulierum fluxu & suppressione* §. 45. it. *de mensium insolitis viis* c. 7. p. 38. nec non WALDSCHMIDII *Annotationes ad Timæi Cas. 9. l. 4. p. 549.*

XXIX. Ex his si pro nostra ægrotante delectus instituendus foret, Emmenagoga primi & secundigenæ, videlicet aperitiva, & si quis multum in illis fiduciam collocaverit, Martialia sufficere poterant. Pellentia enim, præsertim fortiora aut largius data, tantum abest, ut obstructionem pertinaciorem expellant, ut potius ejusdem contumaciam augeant symptomatum & in specie anxietatum ferociam exasperent atque periculosas sanguinis ad pectus caput, fauces, oculos translationes inducant. Itaque post præmissa digestiva, iteratamque primarum viarum expurgationem, vini alicujus medicati, ex aperientibus, resolventibus, laxantibus concinnati usus suaderi & per odiduum continuari posset, ita ut dum mane infusum hoc usurpatur a meridie & vespere Tra p̄i l. æli cum Ess. Me-

lissæ

liffæ sociata exhiberetur : instruendo præprimis dictorum medicamentorum usurpationem, ea methodo, ut odiduum circiter ante novilunium incipiatur & proxime ante ejus ingressum terminetur; aut si forte ex constanti symptomatum circa certam periodum temporis recursu & exacerbatione spontanea speciale magis instantis fluxus menstrui tempus colligi posset, simili modo ad illam opportunitatem temporis præfatorum medicamentorum usus dirigatur. Quantum enim iusta spontaneorum naturæ motuum & moliminum observatio eorundemque promotio & prosecutio hic valeat, nemo nisi expertus crediderit. Quod si tamen una periodo effectus desideratus non obtineatur, poterit eadem methodus per spatium menstruum subsequens denuo repeti. Tum si certiora fluxus jam instantis præludia emicent, aut si fluxus quidem eruperit, sed non sufficienter procedat, lene stimulans ex Ess. Millefolii, succini, & croci tantillo subjungatur, vel singulis auroris dosis Pilularum Becherianarum exhibeatur.

XXX. Infessus & balnea, imprimis autem fervidiora, in præsentī casu non adeo convenire videntur : quippe a quibus facile universalis Massæ sanguineæ turgescentia & nova humorum ad caput oculosque regurgitatio oboriri posset. Tutiora sunt hoc intuitu pediluvia, neque tamen hæc iusto calidiora sed blando saltem tenore motum humorum ad partes inferiores invitantia. Commodissime ita quoque circa novilunium aut versus quodcunque fluxus menstrui probabiliter expectandi tempus, aut breviante venæsectionem, sicubi ea repetenda foret crebrius, quam quidem intermedio tempore instituuntur.

XXXI. Equidem venæsectio jam binis vicibus celebrata commemoratur, sed priori vice in brachio facta fuisse dicitur; quam tamen si modo vota tantum valerent, insectam optaremus. Et sane, cum ægra narraret, ultimum insultum, oculum hæcenus sanum infestantem, contigisse tamen post admissam venæsectionem in brachio; fateor animo propemodum infedisse scrupulum, venæsectionem hanc novum istum humorum ad caput affluxum suscitasse. Confirmabant hanc conjecturam plures observationes similium eventuum, infaultorum a venæsectione in superioribus adornata inductorum quorum aliquot exempla notatu & consideratu dignissima sæpius laudatus STAHLIUS in *Diss. de venæsectione in pede* §. 24. 25. cit. JOHAN. CHRISTIAN. LANGIUS in *valetudinario puerpera*

rum §.40. Utut vero apodictice id asseri aut demonstrari nequeat; raturum tamen firmumque manet, Venæ Sectionem in pede præferendam fuisse, quod quidem postmodum factum perhibetur; sed sine decenti respectu ad opportunum vel anni vel periodi menstruæ tempus, neque insuper sufficienti copia, adeoque etiam sine optato effectu id peractum esse, pariter constat. Hinc si curatio forte ad menses aliquot protraheretur & debita sanguinis fluxilitas per medicamenta congrua restituta, motusque ejusdem ad partes inferiores per pediluvia derivatus fuerit: tum repetitio Venæ Sectionis in pede aut versus novilunium, aut circa speciale magis fluxus menstrui probabiliter imminens tempus adornandæ non reformidanda foret.

XXXII. Fluxu autem menstruo jam expedito, imo in ordinem redacto & sufficienter procedente; quod si ne tum quidem in oculo affecto alicujus levaminis spes affulgeret; tandem ad setaceum progrediendum esset: quippe quod ultimum fere in his casibus est præsidium. Licet enim remedium satis dolorificum & molestum existat; purgato tamen corpore & mensium fluxu antea expedito, non potest censerī periculosum aut innoxium. Siquidem per dolorem istum, quem infert, satis exquisitum, nervi potius torpentes excitantur, humores stagnantes refelluntur, novusque fibris & humoribus motus inducitur,

XXXIII. Sed ordo jam monet, ut ea quoque tangamus, quæ parti magis immediate affectæ, oculis nimirum aut nervis potius optictis roborandis prospiciunt, aliove modo conferunt. Sunt hæc ita dicta ophthalmica sive *ὀφθαλμικά* tam interna quam externa. Inter ista apud antiquiores valde celebris est Euphrasia, quæ teste TIMÆO a GULDENKLE in *Epistol. Medicinalibus* l. I. *Epist.* 21. p. 499. quocunque modo usurpata visum mirifice reficit: conferatur & FORESTUS l. XI. obs. 35. porro rad. Valerianæ cujus specifica in visu acuendo efficacia per feles, radicatam hanc studiose quærentes & avidè devorantes, hominibus innotuisse dicitur. Ante annos non ita multos herbula Herniaria sive Millegrana alias dicta in □a suppressa ipsoque calculo educendo spectata cæteroquin fidei, ceu novum contra oculorum caliginem remedium specificum, celebrari cœpit a Medico Misnico, Practico Grimmeni, J. GODOFR. GRUHLMANNO, jam pie defuncto, edito hac de re peculiari schediasmate, Jenæ A. 1706. impresso. Et notum mihi est

est exemplum juvenis cujusdam studiosi, qui cum ex multijuga lubricatione, imprimis vero scriptione assidua, admodum cæcutiret, per usum herbæ Euphrasæ & modo dictæ Herniariæ ad instar Thee aliquod septimanas usurpatæ ita restitutus fuit, ut majori visus acumine, quam quo etiam sanus alioqui gavissus esset, semet jam polleere sancte testetur. Cum igitur ejusmodi infusa etiam sanguini diluendo & fluxili reddendo apprime conducant; quidni nostræ quoque ægrotanti tale infusum ex herba Melissæ, Euphrasæ, Herniariæ, & semine anisi vel fœniculi conveniret? Radix Valerianæ utpote ingrator, commodius Vinis medicatis superius laudatis additur: cum & ipsa inter res solventia lymphæque lentorem corrigentia non infimum teneat locum. Ex compositis pro hoc scopo concinnatis prostant Electuarium Opticum MYNSICHTI, it. TIMÆI a GULDENKLE in *Epistolis Medicinalibus* l. I. Epist. 28. p. 514. descriptum, Tragæa ophthalmica seretæ a ROSINO LENTILIO in *Miscellaneis Medico-Pract.* P. I. p. 231. commendata & communicata, Vinum ophthalmicum Plempii, cujus supra inter laxantia jam facta fuit mentio.

XXXIV. De Externis topicis remediis non immerito subnaſci posset scrupulus, an etiam eorundem efficacia usque ad partem immediate affectam pertingere valeat: cum externæ oculi partes, quæ topicis solummodo patent, in fontes omnisque labis expertes videantur. Utcunque vero satis speciosa appareant ejusmodi ratiocinia; nihilo minus Practicorum probatissimorum consensus, imo ipsius experientię testimonium hic docet plane contrarium. Ita v. g. epomphalia umbilico saltem imposita, aut certa unguenta oleave, plantis pedum illita, aut volis manuum inuncta alvum ciere certis experimentis constat. Conferatur STISSERUS in *Act. Laborat. Chym. Spec.* II. c. 7. In paralyſi contractura vel aridura artuum externa nervina & pro re nata emollientia non raro desiderato potiuntur effectui; si vel maxime non ipsos nervos immediate afficiant, multo minus ad originem eorundem, ubi plerumque causa mali hæc re præsupponitur, penetrare possint. Quid igitur impedit, quo minus & hic reliquis medicamentis internis Topica ad minimum ut levioris armaturæ milites adjungi queant. Possumus hujus rei aliquot exempla memorabilia adducere, ubi hoc insigni cum emolumento factitatum fuisse legimus. Sic e. g. FORESTUS l. XI. obs. 35. historiam recenset mulieris ex ulcerum chronicorum consolida-

tione guttam serenam in alterutro oculo passā, quæ cum ex Venæ Sectione, cucurbitulis, suppedaneis, purgantibus adhibitis nihil aut parum levaminis persentisceret, sed ultra IV. Menses cæca permaneret, postmodum solo liquore, ex hepate piscis, quem Belge ael payck, nostrates vero, teste Gesnero l. iv. de Aquatil. p. 71. eine Quappe vocant, in radiis solaribus destillante solisque palpebris inuncto, visum recepit integerrimum. *TIMÆUS a GULDENKLE in Epist. Medicin. l. 1. Ep. 26. p. 512.* refert, aurigam quendam diu lumine orbatum fuisse miseramque vitam intra privatos parietes traxisse, tandem a verula quadam consilium tulisse, ut in Vini vulgarem cum petiis duplicatis oculis imponeret idq; singulis diebus ter quaterve repeteret; quod cum per integrum mentem continuasset, ipsum ex voto visum recuperasse. Nota quoque mihi sunt duo, aut tria exempla, visus valde imbecillis per solum externum usum æus anisi, septenis super recens anisum cohobiis parati, aut ꝓ apoplectica, it, æus ex ipso vino destillati: solis palpebris illiti, notabile robur adepti. Porro HENRICUS KOENE Hassniensis, jam Medicus Castrensis inter copias Regis Borussia, in Appendice Diss. Inaugustralis de calculo subnexa nautam allegat per duos annos gutta serena laborantem, in Nosocomio v. Bremensi feliciter restitutum beneficio suffitus humidi & fomenti sæpius oculis applicati. Ultraque formula digna videtur, ut huc transferatur.

℞. Sem. Fenic.

Anisi a ʒj.

Aloes ʒβ.

Flor. ☉ ꝓci ʒj.

Camph. ʒβ. M.

Hujus pulveris tertia pars aquæ ferventi injiciatur, & statim vapor mediante infundibulo tamdiu excipiat, quamdiu patiens perferre potest. Deinde sequens fomentum linteo quadruplicato ter quaterve de die calide applicetur.

℞. ▽ Euphrasie.

Fenicul. a ʒlj.

Aneth. ʒj.

Ess. Mic. Panis ʒβ.

Croci ʒiʒ. *M. & affund.*
Pulv. Bacc. Laur.
Caryoph. arom.
Sem. Anis. a ʒj. Digere per aliquot dies
Colatura adde
Valerian. ʒj.
*Θ *ci*
Vin. camphor. a ʒʒ. M. & dicto

Modo applica. Refert etiam Abr. Leonh. Vrohlingh in Tractatu quem Matrosen-Gesundheit s. de Scorbuto inscripsit, c. 5. p. 69. sibi ipsi talem infuscationem dimidiæ partis oculorum obtigisse, ut sursum quidem stellas aspiciens easdem satis bene dignosceret, despiciens vero proprios pedes non cernere valeret, redintegratum vero visum fuisse per usum sequentis suffitus vaporosi bis vel ter administrati,

R. Calc. viv. ʒij.
Œli s. pulverisati ʒj.
*Θ *ci ʒʒ. M. ac celeri manu affund.*
▽ comm. fluviat. vel font. Menl. n. Vapor,
ex spontanea mixturæ hujus effervescen-
tia exsurgens oculis apertis excipiat

Sæpius jam laudatus *TIMÆUS a GULDENKLE* in *Epist. Med.* l. 1. Ep. 26. p. 512. exemplum viri illustris affert visus obcuritate diu conflictati, qui cum varia interna & externa medicamenta in cassum usurpasset, sensibilissimum levamen persensit ex usu sequi. *Fotus*, qui *Plempium* auctorem agnoscit,

R. Herb. Fœnicul.
Rut.
Hyssop.
Euphras.
Chelidon.
Verben.
Beton.
Puleg. aa. Mʒ.
Sem. Fœnic.

*Anis.**Curv.**Ammeos aa. ʒij.**Siler. mont. ʒiʒ.**Euphras. ʒʒ.**Macer.**Cinnam.**Caryophyll.**Nuc. Mosch. aa. ʒj. Incis. & cont. M.*

Hæc primo coquantur in aqua, dein valentior fiet fomentatio, si mullæ incoquantur; adhuc valentior, si vino in coctis adjiciatur aliquantum, & Vini.

Quem fotum pariter commendat *WALDSCHMID*. in *Annot. ad Casus Medico-Præcticos Timæi*; p. 471. additque Medicum quendam Francofurtensem in affectibus oculorum curandis admodum felicem, indeque a popularibus suis titulum Medici ocularis (des Augen-Doctors) adeptum tali fotu optimo cum successu uti. Possemus plura ejusmodi & testimonia & exempla cumulare. Verum enim vero non opus esse existimamus, ut pluribus operose demonstrare conitamar, quod etiam Topica in præsentī casu non solum locum, sed & evidentem usum habere queant. Quare in his subsistimus, & potius ægræ nostræ unum ex iisdem scil. aut *PLEMPII* fotum aut *VROLINGHII* suffitum vaporosum commendamus.

XXXV. Superest ut vel tribus, quod ajunt verbis aliqua adhuc circa *Dietam* moneamus. Equidem veteres adeo solliciti & propemodum scrupulosi fuere in hoc negotio, ut integrum apud *CORDEM* catalogum contextum videas ciborum & eduliorum quibus omnes quacunque oculorum ægritudine affectos severe interdiciunt. Vid. *TIMÆI* a *GULDENKLEI*. I. I. Cap. 24. & 25. Peculiariter autem oculis caligantibus nocere creduntur sem. cannabis, lentes, fabæ, panicum, quibus alii cepas alliumque addunt. Conf. *STAHLII* *Diff. de Morb. Oculor. in gen. c. 13. p. 19.* Si dicendum quod res est: *Dixta* in genere non quidem non plane negligenda, neque tamen adeo superstitiose observanda est. Potest aliquid *Dixta* in morbis præcavendis & præsentibus mitigandis, sed longe minus in iisdem tollendis. Neglecta morbos exasperat; sola vero etiam

tiam strictissime culta diæta raro iisdem curandis sufficit. Majus momentum situm est in prudenti & corporis & animi motuum moderamine, quam anxio circa esculenta & potulenta regimine. Magis opus est in cibo potuque assumendo temperantiam & congruam proportionem, quam scrupulosum delectum observare. Quæ cum ita sint, nihil aliud ægotæ nostræ, quam somnum liberum, potum sufficientem, motumque proportionatum commendabimus, a mœrore vero & ploratu nimioque oculorum usu, a potu spirituofo, a cibis mucidis & dyspeptis, a motibus corporis præcipitibus, pariter tamen & vita deside, ac denique pedum refrigeratione abstinentiam injungemus.

D. S. L & G.

